

Q U Æ S T I O M E D I C A

Cardinalitiis disputationibus, manè discutienda in Scholis Medicorum, die Martis sextâ Aprilis.

1361

M. ALEXANDRO MICHAËLE DENYAU, Doctore Medico Consiliario Lectore & Professore Regio, Præsidente.

An oculi sint pathematum idola?

ANIMA est actus primus corporis organici potestate vitam habentis: hæc non agit independenter à corpore: quod vitam habet ab anima, à qua differt, ut accipiens à dante: Itaque anima est forma corporis. Quidquid est actus est forma, quidquid facit ut res quæ potestate erat sit actu, est actus; animus adest ante suas operationes, ut in somno & vigilia videre est. Nam si animal dormit habet animam & tamen non operatur: si postea evigilat operatur. At vero illius operationes aut bonæ aut malæ à temperie & conformatione partium ineluctabiliter dependent. Homines brevi collo & thorace angusto perfidi, iracundi; capite rotundo indifcreti, funiosi, spiritibus in gyrum violenter agitatis. Ex oculis physiognomus infinita popemodum inditia depromit. Oculi sunt visionis organum, cujus objectum est omnium nobilissimum, lux nempe qualitatium omnium purissima, per universum terrarum orbem diffusa. Theophrastus formam hominis in illis collocabat tanquam animæ speculum, internum intelligentem significans, Omnia objecta in globo continet & de.

OCULORUM structura omnem superat admirationem: in prima faciei regione infera & secunda, supra ossibus undique circumvallata, membranis, musculis & humoribus mirificè disposita. 1^o. Conjunctiva album oculi operit illumque suspendit. 2^o. Cornea consideratur anteriùs, tenuis, pellucida, & valida; posterius crassa, fortis, nervosa. 3^o. Wca eam intus circumvestit, omnes humores continens, anterior perforata ubi pupilla mobilis, dilatatur & constringitur, variè colorata pro objectorum varietate, per pupillam recipit omnes colorum species mediante lumine quæ refringuntur tribus oculi humoribus. Aqueus temperat, CrySTALLINUS recipit, Vitreus reflectit, sicut hydrargyrus domesticis speculis admota; hi duo ultimi, membranam peculiari involvuntur: musculi oculorum sex, quatuor recti motibus rectis destinati, obliqui duo oculum oblique circumferentes; ex motibus horum musculorum facile inferitur eos esse pathematum idola, primus attollens & superbus nuncupatur, secundus deprimens & humilis, tertius adducens & bibitorius, quartus abducens & indignatorius. Duo oblique circumagentes amatorii, & in amore duces.

DEFORMIS facies rarò arguit bonos mores. Distortum vultum sequitur distantia morum. Vultus sermo quidam tacitus mentis est. Facies eorum qui bene nati sunt talis est scilicet mediocris in genis & temporibus, vergens ad pinguedinem talis est verax, amans, intelligens. Oculi ut corpus, corpus ut anima se habet; quandoquidem anima quemvis alium ita videt in oculis, ut ab eodem vicissim in iisdem videatur. Oculi fixi, qui alternatim palpebris cooperiuntur, cogitabundum & melancholicum denotant. Ex oculorum inditiis *φυσιογνωμον* sententias suas confirmat; quoniam signa quæ in oculis cernuntur, imagines affectionum cordis & animi sunt, ut tribulatio, hilaritas, amor odium &c. Alinini oculi insipientis & duræ naturæ, sunt enim sicca & frigida complexionis. Oculi in capite quasi absconsi, intus concavi vident longius & arguunt perversi moris hominem. Oculi moventes se in gyrum uniformiter malos mores indicant, viros sceleratos, facinorosos & veneficos, deceptores; qualis Thieftis & Thiereus & Medea quorum filii etiam laniati sunt manibus parentum. Oculi habent tantas colorum varietates quia diaphani sunt & raræ substantiæ & quia ex aqueis humoribus constant. Idcirco spiritus visivi ostendunt suas in oculo qualitates: ut mulier menstruata maculat speculum, puerulus in cunis inficit & oculis sanis interdum nocet. Vetula teneros fascinat agnos.

MIRABILI partium omnium consensu & temperie vitæ functiones perficiuntur; unde infinita ferè emergit morum & ingeniorum diversitas *τα ἴχνη τῶν ἐννοημάτων, ἡ δὲ μὲν πάντα συμπερίσπασται* functionum humanarum absolutæ. Cordi & arteriis manus admove, animam contrèctabis *ἐκπύρσις μὴ, ἐξυμνοῖα μὴ, ἐξυμνοῖα μὴ*, magna spirituum copia ex oculis erumpit unde visio recipiendo tantum affirmatur pyramidaliter secundum objecti distantiam: quia sensio omnis cum sit affectio, sola receptione fieri debet; sic auditus soni, odoratus odorum, gustus saporum, tactus qualitatium tractabilium sola receptione fiunt. Intra oculum nihil videri potest, Aristotele teste, sensile positum supra sensorium sensationem non facit, neque enim instrumentum & objectum idem sunt. Quinetiam tria requiruntur ad perfectam visionem objectum medium & instrumentum. Hæc tria si alterentur, ut in ægrotantibus tunc imaginationes perversæ figuram, situm magnitudinem, & varios colores aspiciunt, quæ omnia intra oculum sunt, non in aëre, phrenetici muscas venantur, floccos carpunt, festucas avelunt a falsis spectris terrentur & perhorrescunt. Visa hæc non oculi, sed cerebri & imaginationis gravissima sunt ac sæpenumero lethalia symptomata icterici ictericos alios putant.

EX omnibus corporis partibus iudicatur de homine. Unde Meroposcopi, Chiromantici ex variis lineis regulas statuerunt tum habita ratione morum, longævitas, & valetudinis. Sed nihil præstantius emicat quam in oculis. Quorum motus à musculorum & optitorum exortu unione & insertionem dependent, nervi optici & motori à basi cerebri procedunt, at motorii ramulos per palpebras musculos & membranas disseminant, tantâ diligentia agunt & æqualitate, ut facile sit percipere animi intentiones. Sunt mollissimi optici, porosi, non cavi, ne spiritus visorii subtilissimi dissipentur. Unio in principio ad justam visionem erat omnino necessaria, & in triplicem bifidi fiunt & inseruntur in medio corneæ tunicæ, ubi visibilium species & simulacra recipiunt solius facultatis luminis interni; spiritus quippe visibilis delator constituitur: situ æquali ut visiorum conorum axes in uno eodemque ejus defensionem, sed ab oculis moventur, in quibus interiores cerebri cogitationes subito percipiuntur.

Ergo oculi sunt pathematum idola.



Proponebat Parisiis CLAUDIUS TRICHARD, Pacicus Ebroïcensis. A. R. S. H. MDCC.